

PAPAKILO [Hawaiian Newspapers Collection](#) Menu ▾Translate
www.woah.org

Ke Aloha Aina / 25 May 1895 / KE ALOHA AINA; Heaha ia?

Ke Aloha Aina, Volume I, Number 1, 25 May 1895 — KE ALOHA AINA; Heaha ia? [ARTICLE]

[Back](#)KE ALOHA AINA;
Heaha ia?

O ke Aloha Aina, oia ka Ume Mageneti iloko o ka puuwai o ka Lahui, e kaohi ana i ka noho Kuokoa Lanakila ana o kona one hanau pono.

O ka Ume Mageneti, oia no ka ikaika nana i kaohi i ke kui magenti o ke Panana, e hoopolelei ana i kona kubikubi i ka welelau Akau o ka Honua nei, a i ka hoku akau hoi.

He mea pohihihi ka ike ana i kahi i loa ai ia mea he ume iloko o ka hao Mageneti, aka,

eia ka mea maopopo loa, aia kela kui Mageneti ke boomau la i kona kubikubi ana i ka hoku akau ma ka welau akau o honua nei.

Pela ke aloha iloko o ka puuwai o ke kanaka no kona aina hanau pono. Aole i ike maka ia ia mea he aloha, aole hoi hiki ke hoopaana, aole hoi e hiki ke haha ia; aka, ua laha wale aku oia, a ua lele wale aku a pili i kona aina hanau pono iho, me he ume la o ke kui Mageneti.

I na i hookokoke ia na kui hao Mageneti i kahi hookahi, alaila, he mea maopopo loa me ke kanalua ole o ka manao, ua ume like no lakou a pau loa kekahi i kekahi.

Pela hoi na lahui a me na kanaka a pau loa i noho pihai e ka uhane aloha i ka aina hanau

E ike auanei ko lakou huki ana,
 ume ana, a me ko lakou kaohi
 ana i ka noho Kuokoa Lanakila
 ana o ko lakou sina hanau.

Na kela aloha uloko o lakou e

iana, ua lilo ka hune, ka nele,
 ka inea a me na popilikia he
 nui i mea ole loa ia lakou. No
 ka mea, ua nui aku ke aloha no
 ka aina hanau mamua o na mea
 e ae a pau loa.

He holoholona ke kanaka ke
 nele oia i kela ano he Aloha
 Aina, a i ole ia, he kumakaia

paha kona ano like loa. He
 haahaas loa ke kulana o ke ka-
 naka aloha ole a kumakaia
 paha i kona one hanau. Ache
 ona noonoo hou ia he pono ka i
 koe iaia, a e maalo ae ana oia
 iwaena o kona lahui pono iho
 me ka hoowahawaha loa ia aku
 e lakou.

This article has been automatically clipped from the Ke Aloha Aina 25 May 1895,
 organised into a single column, then optimised for display on your computer screen. As
 a result, it may not look exactly as it did on the original page. The article can be seen in
 its original form in the [page view](#).